



ATASSUT

UPA14/42-1

Gerhardt Petersen

09.04.2014

Inuit ilinnarnertuutut allamilluunniit ilinniakkamik naammassinissimanermikkut oqaluttariarsornikkut allattariarsornikkullu tuluttoorsinnaasut qanoq meeqqat atuarfiini, piareersarfinni, sunngiffimmi ilinniartitaanerni suliffissaaleqisunulluunniit pikkorissarnerni tuluttut ilinniartitsisutut atorneqarsinnaanersut pillugu Naalakkersuisut nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut. Nassuiaat kingusinnerpaamik 1. august 2015 Inatsisartunut agguanneqassaaq.
(Inatsisartunut ilaasortaq Ruth Heilmann, Siumut)

Innutaaqatigut oqaluttariarsornikkut allattariarsornikkullu tuluttut ilinniakkamikkut qaffasinnerulaartumik angusaqareersimasut pineqarput. Taakku pikkorissarteqqilaarnerisigut Meeqqat atuarfiini, Piareersarfinni, Sunngiffinnilu ilinniartitaanermi, kiisalu suliffissaaleqisunut pikkorissaarnerni tuluttut ilinniartitsisutut atorneqarsinnaaneri pillugu inatsisartunut ilaasortap Ruth Heilmann-ip isummersuutai ATASSUT-miit paasilluarpagut taperserlugillu.

Inuiaqatigiinni killiffippu tikkuussimmat ukiunut qaninnernut aggersunut tuluttut oqaatsit sutigut tamatugut pisariaqartuuneruleralluttuinnassasut, taamaattumik ATASSUT-miit isummersuumi matumani aamma pisiariaqartitsinerup qitiata tunngavia qaqilerluarneqarmat iluaralugu taperserparput. ATASSUT-miit inuutissarsiornerneq taamaat isigalugu nunatsinni inuttaaqatitsinnik atorluaanissaq soqutigisarilluinnarparput, matumanilu siunnersuummi tamaanna siunertaammat tigulluurlugu suliap ingerlateqqinneqarnissaanut tapersiivugut.

ATASSUT-mit assut tulluusimaarutigisarparput ilinniartitaanerup siuarsarneqarnissaanik siunertaqarluta ataatsimooruussaqaaraangatta – tamanna inuiaqatigiinnut minnerunngitsumillu ilinniagaqartunut ilinniartoqarfinnullu toqqissisimasumik inerisaasoqarsinnaanerannut tunngaviliinissamik tikkuussimmat.



ATASSUT INATSISARTUNI

Nunatsinni ilinniarnertuut assigisaallu aqutissiuunneqarniarmata ATASSUT-mit tamakkiisumik tapersorsorparput, taamaammallu inassutigissavarput siunnersuut akuersaartumik suliarineqassasoq, taamaattorli inatsisartut aaliangiiffigisassaatur siunnersuutip matuma aappassaaneeraneqannginnerani Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliamut suliareqqinnissaanut misissugassanngortinneqassasoq.